

## Berkayuh promosi Kuala Pilah

**KUALA PILAH** – Cuaca baik tanpa jerebu memberi peluang kepada lebih 750 peserta program Kuala Pilah Fun Ride berkayuh menikmati keindahan dan mempromosi kawasan pelancongan menarik di Kuala Pilah semalam.

Pengurus Lembaga Pelancongan Negeri Sembilan, Mohd Afif Anuar berkata, program anjuran Lembaga Pelancongan Negeri Sembilan itu merupakan antara pengisian bagi menyemarakkan sambutan sempena Minggu Inovasi Peringkat Negeri Sembilan.

“Sejak negara dilanda jerebu, kami bimbang program ini terpaksa dibatalkan seperti yang terjadi di beberapa lokasi lain sebelum ini jika indeks pencemaran udara (IPU) berada pada tahap yang tidak sihat.

“Namun cuaca amat cerah tanpa sebarang jerebu dan ini sememangnya memberi semangat kepada semua peserta kayuhan yang hadir,” katanya ketika ditemui di Kompleks Rakan Muda Kuala Pilah di sini semalam.

Mohd Afif berkata, biarpun kayuhan itu tidak menawarkan sebarang hadiah namun ia tetap menarik minat peserta termuda berusia 7 tahun dan paling tua berusia 72 tahun.



Seramai 750 peserta berkayuh pada program Kuala Pilah Fun Ride semalam.